

# **Lescha davart la construcziun da habitaziuns e la meglieraziun dallas relaziuns da habitar**

## **per la vischnaunca da Medel/Lucmagn**

Sebasond sin:

- la lescha davart la promoziun da habitaziuns e dalla proprietad dils 4 d'october 1974
- l'ordinaziun tier la lescha davart la promoziun da habitaziuns e proprietad dils 30 da november 1981
- la lescha davart la construcziun da habitaziuns socialas e la meglieraziun dallas relaziuns da habitar el territori da muntogna dils 10 da mars 1985
- l'ordinaziun tier la lescha davart la construcziun da habitaziuns socialas e la meglieraziun dallas relaziuns da habitar el territori da muntogna dils 5 d'october 1984

sco era

- sin fundament dallas ordinaziuns executoricas tier la lescha davart la construcziun da habitaziuns socialas e la meglieraziun dallas relaziuns da habitar el territori da muntogna dils 2 da december 1985

relai la vischnaunca da Medel/Lucmagn suandontas normas:

### **Art. 1 Intent**

La vischnaunca promova la construcziun da habitaziuns e la meglieraziun dallas relaziuns da habitar entras contribuziuns a privats per favorisar la construcziun da habitaziuns per famiglias cun mudestas entradas.

### **Art. 2 Mesiras da contribuziuns**

La vischnaunca presta durant silmeins 5 onns e silpli 10 onns contribuziuns annualas al tscheins dil capital per promover la construcziun da habitaziuns socialas.

Plinavon conceda ella contribuziuns unicas, senza tscheins e che ston buca vegnir restituidas, per migliurar las relaziuns da habitar.

### **Art. 3            Prestaziuns**

L'altezia dalla contribuziun communal e las cundiziuns sedrezzan suenter las prescripziuns cantunalas e federalas.

Las prestaziuns secumponan da contribuziuns annualas al tscheins dil capital ni da contribuziuns unicas als cuosts totals d'investiziun.

En cass da direzia sa la suprastonza communal augmentar las contribuziuns ordinarias.

### **Art . 4            Ulteriuras cundiziuns**

Las prestaziuns vegnan dadas mo a persunas naturalas ch'ein domiciliadas dapi 2 onns en vischnaunca.

En cass da direzia sa la suprastonza communal far excepziuns.

### **Art. 5            Cuoz e restituziun**

Las contribuziuns communalas vegnan dadas duront il medem temps sco las contribuziuns cantunalas. Concernent suspensiun e restituziun da prestaziuns nungustificadas entras midada da diever valan las prescripziuns cantunalas.

### **Art . 6            Procedura**


Las damondas per contribuziuns ein d'inoltrar alla suprastonza communal cun aschuntar ina motivaziun e tuts mussaments necessaris. Damondas ein da liquidar enteifer 1 meins.

### **Art . 7            Vigur**

Questa lescha passa en vigur suenter l'approbaziun dil pievel.

Approbau dil pievel alla radunonza da vischnaunca dils **17 da schaner 1992.**

Il president communal:



Igl actuar:

